

## UPUTA ZA AUTORE

**Prijava radova** vrši se online putem web stranice. Sažetak rada je potrebno dostaviti **do 15. 09. 2022. godine**. **Sažetak** treba biti napisan u skladu sa uputstvima navedenim u nastavku teksta. Nakon pregleda radova, Naučni odbor donosi odluku o (ne)prihvatanju rada i informiše autora o istoj.

Kod prijave rada potrebno je odabrati sekciju u koju se rad prijavljuje, kao i željeni način prezentacije (online/oralna ili poster prezentacija). Naučni odbor zadržava pravo da predloži i drugačiji vid prezentacije od onog originalno odabranog od autora. Sažetak se treba pisati na jednom od službenih jezika u BiH i na engleskom jeziku.

**Online/Oralne prezentacije** ne smiju trajati duže od 10 minuta. Potrebno ih je dostaviti najkasnije do 15. 09. 2022. na email: [prijava2022@hranaishranazdravlje.ba](mailto:prijava2022@hranaishranazdravlje.ba) Obzirom da su službeni jezici studentskog kongresa Hrana-Ishrana-Zdravlje bosanski/hrvatski/srpski i engleski jezik, **izlagači mogu izabrati da prezentaciju dostave na engleskom jeziku a usmeno prezentiraju na bosanskom/hrvatskom/srpskom jeziku i obratno, da prezentaciju dostave na bosanskom/hrvatskom/srpskom jeziku a usmeno izlažu na engleskom jeziku** kako bi svi učesnici koji nisu iz BiH bili u mogućnosti pratiti sva predavanja.

**Poster prezentacije** trebaju biti veličine A4 (21x29,7) u PDF formatu, vertikalno orjentirani, i biće dostupni svim učesnicima putem linka na web stranici studentskog kongresa Hrana-Ishrana-Zdravlje.

Samo prezentirani sažeci će biti objavljeni u Zborniku radova studentskog kongresa Hrana-Ishrana-Zdravlje.

## SEKCIJE KONGRESA

Radovi se mogu prijaviti unutar samo jedne od niže navedenih sekcija kongresa. Naučni odbor zadržava pravo da radove odobrene za prezentiranje preraspodjeli i u sekciju različitu od one koja je originalno odabrana od autora.

1. Primarna proizvodnja i prerada hrane;
2. Toksikologija i sigurnost hrane i okoliša;
3. Savremena dijagnostika i analitika hrane;
4. Ishrana tokom životnog ciklusa;
5. Dijetoterapija.

## SAŽETAK

Sažetak treba da ukratko opiše cilj istraživanja, osnovne rezultate i najznačajnije zaključke. Prored treba da je jednostruki, poravnanje obostrano, font Times New Roman, veličina slova 12. Sažetak ne smije biti duži od 250 riječi i mora sadržavati ključne riječi (maksimalno 5 ključnih riječi).

Naslov rada pisati fontom Times New Roman, veličina 12, masna slova - bold, centralno poravnanje, veliko početno slovo samo u prvoj riječi.

Imena i prezimena autora pisati fontom Times New Roman, veličina 12, normalna slova, centralno poravnanje. Ime pisati velikim početnim slovom, a prezime svim velikim slovima. Na radu može biti maksimalno 6 koautora.

Naziv fakulteta/Institucije autora pisati fontom Times New Roman, veličina 10, normalna slova, centralno poravnanje.

Sadržaj abstrakta pisati fontom Times New Roman, veličina 12, normalna slova, jednostruki prored, obostrano poravnanje.

Ključne riječi pisati fontom Times New Roman, veličina 12, kurziv, lijevo poravnanje. Ključne riječi razdvajati zarezom, bez tačke na kraju.

## **PREDLOŽAK ZA SAŽETAK – bosanski/srpski/hrvatski**

### **Naslov rada**

Ime PREZIME<sup>1\*</sup> Ime PREZIME<sup>2</sup> Ime PREZIME<sup>3</sup>

<sup>1</sup> Univerzitet u Sarajevu, Poljoprivredno-prehrambeni fakultet, Odsjek za poljoprivrednu ekonomiju, BiH <sup>2</sup> Univerzitet u Sarajevu, Farmaceutski fakultet, Katedra za farmaceutsku analitiku, BiH

\*Autor za korespodenciju: Ime i prezime, e-mail adresa

### **Sažetak**

Suvremeni životni stil, značajno karakterisan neadekvatnom prehranom rezultira povećanim rizikom razvoja pretilosti i drugih hroničnih bolesti. Jedan od osnovnih preduslova za usvajanje obrasca pravilne prehrane je edukacija stanovništva o tome kako napraviti bolje izbore u odabiru namirnica. S ciljem utvrđivanja koliko BiH stanovništvo uopšte čita, razumije i kod izbora koristi nutricionističke podatke sa gotovih proizvoda provedena je anketa u gradovima Sarajevo i Tuzla u avgustu 2014. godine. Anketu je popunilo 60 osoba (25 žena i 35 muškaraca) dobi 20-79 godina...

*Ključne riječi: prehrambene smjernice, deklarisanje hrane, prehrambene tvrdnje*